



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

Articulus V. De Privilegio fori.

---

[urn:nbn:de:hbz:466:1-73001](#)

Hoc confirmari potest ex ampliori resolut. quæ habetur in c. *Postulasti*, 14. h. t. ubi Pontifex Innocentius III. retribens Episcopo Senicensi, postulasti, inquit, per Sedem Apostolicam edoceri, utrum Sacerdos habens Ecclesiam in una Diœcesi, & residens in eadem, domicilium vero, patrimonii ratione, in alia, ibi delinquens, ab eo, in cuius Diœcesi habet patrimonium, pro delicto ibidem commisso debeat judicari, præsertim in causis, quæ officiū sui, seu beneficii privationem exposcent? cui breviter respondet: quod per Episcopum, in cuius Diœcesi deliquerit, sententia promulgari poterit in eundem; Sed ab eo, in cuius Diœcesi beneficium obtinet, erit quoad illud executio facienda.

**352.** Ex hac enim decisione deducitur. 1. Clericum delinquentem in alia Diœcesi, puniri posse ab Episcopo ejusdem loci; non posse tamen sententiam pœnæ inflativam extendere ultrâ suum territorium, ut alibi executionem habeat, v. g. ut ibi virgis cædatur, in exilio moretur, &c. nisi alter Judex, ad cuius locum sententia dirigitur, requisitus, sententiā exequi paratus sit, vel pœna decretā sit per legem utriquè communē; aut naturā suā officiat absolulē personam, sive ordine ad locum, ut excommunicatio. Ratio hujus est, quia Judex extrâ territorium non potest exercere actum jurisdictionis ex n. 343. sed executio sententiæ est actus jurisdictionis; ergo.

**353.** Deducitur. 2. quod, si Episcopus per sententiam, non ex legis præscripto, sed propter hominis contumaciam, proprio motu suspensionem inferat Clerico à beneficiis, sententia ejus non extendat se ad beneficium, quod Reus habet in altera Diœcesi; sic Felinus in dict. c. *postulasti*, n. 4. quia sic jurisdictionem exerceret extra suum territorium. Hinc, si talis Clericus habeat duo beneficia, unum in loco Episcopi, qui per sententiam eum suspectit à beneficiis; alterum, extra illius sententiaz non est suspensus à beneficio sive extra territorium suspendentis; cum constet ex c. *se Compromissarius*, 37. de elect. in 6. quod possit quis contrahere privationem, vel suspensionem à beneficiis unius Ecclesiæ, & non alterius.

**354.** Deducitur. 3. aliud esse, quod subditus etiam existens extra territorium delin-

quat, transgrediendo præceptum pœnæ le legitimi Judicis, ponendo actum oppositum etiam extra territorium; aliud, quod Judex pœnam, eo præcepto statutam, exequi valeat extra suum territorium; primum conceditur, cum præceptum liget subditum existentem etiam extra territorium præcipientis, juxta l. i. tit. 2. at secundum negatur ex n. 350. intellige tamen juxta limitationes ibique; si tamen pœna, quam Judex delicti infligit, quæ subjectum dispositione juris reddit simpliciter inhabile v. g. ad retinendum aliquod beneficium, eo ipso per connexionem privaretur omnibus. Hæc de pœnis, quæ per sententiam decretæ sunt, vel transgressione præceptorum incuruntur, aut ejus causa infligendæ sunt.

Loquendo autem de pœnis per statuta locorum decretis, dicendum, eas non incurri à subditis, quando extra territorium statuentis committunt positionem; vel omissionem actus oppositam statuto; cuius ratio est, quia statuta localia non ligant subditos existentes extra territorium statuentis ex l. i. tit. 2. à n. 584. & hic n. 340. ergo positio, vel omissione actus posita extra territorium statuentis non habet rationem culpæ contra tale statutum; ubi autem non est culpa contra aliquam pœnalem legem, ibi nec est incursum pœnæ per eam transgressoribus decretæ. Hæc porto intellige juxta id, quod notavimus n. 350. himitum, nisi positio, vel omissione actus redundet in *speciale* damnum, vel injuriam territorii.

## ARTICULUS V.

### De Privilegio fori.

**P**rivilegium fori, quo communī Dō<sup>r</sup> 356<sup>l</sup> storum consensione gaudenti Clerici, consistit iti eorum exemptione à jurisdictione seculari tam in criminalibus, quam civilibus, non tantum quoad personas ipsorum, sed etiam res, & bona. Competere Clericis talém exemptionem jure non tantum Ecclesiastico, sed etiam civili, imo & divino saltem tradito, & per Ecclesiam, ex Dei ordinatione explicato, late ostendimus l. i. à n. 640. & hic à n. 66. & 320. his præmissis:

§. I.

## Q. I.

## Qui gaudeant Privilegio fori?

**D**E hoc agitur pluribus in locis Sacrorum Canonum; nam in c. 2. b. t. ex Concilio Parisiensi, relato in jus commune, statuitur, ne *ullus judicium*, sine permisso Pontificis, per se (nimirum suā auctoritate) præsumat distingere, aut condemnare, *ullum Clericum*, aut Ecclesiæ minorem; de quo plura V. l. 1. tit. 2. à n. 640. & hic loeo jam cit. in Trid. autem sess. 23 de reform. c. 6. ita statuitur: *nullus primā tonsurā initiatus, aut etiam in minoribus Ordinibus constitutus*, ante decimum quartum annum beneficium poslit obtinere. *Is etiam fori privilegio non gaudeat, nisi beneficium Ecclesiasticum habeat, aut Clericalem habitum, & Tonsuram deferens, alicui Ecclesia ex mandato Episcopi inserviat, vel in seminario Clericorum, aut in aliqua schola, vel Universitate, de licentia Episcopi, quasi in via ad maiores Ordines suscipiendos versetur.* In Clericis vero conjugatis servetur constitutio Bonifacii IX. quæ incipit: *Clerici, qui cum unicis, modò hi Clerici alicuius Ecclesiæ servitio, vel Ministerio ab Episcopo deputati, eidem Ecclesiæ serviant, vel ministrent, & Clericali habitu, & Tonsuram utantur, nemini, quo ad hoc, privilegio, vel consuetudine etiam immemorabili, suffragante.*

**358.** *Ante resolut. not. 1. beneficium* hic in ordine ad gaudendum privilegio fori, accipiemund late (cùm simus in dispositione valde favorabili Clericorum statui, qui utique Laicali superior est in re) adeoque venire quodlibet ius percipiendi redditus ex bonis Ecclesiæ propter officium aliquod spirituale, consequenter, beneficium etiam modici redditus; Capellaniam collativam, in titulum perpetuum collatam; pensionem Ecclesiasticam loco tituli assignatam, vel præstimonium causâ spiritualis obsequii, aut Coadjutoriam cum jure succedendi; imò & solum titulum beneficii collati, nondum adepta possessione, de quibus V. Barbos. in dict. c. 6. CC. Trid. à n. 14. qui id probat variis decisionibus Cardinal. pro dub. Trid.

**359.** Not. 2. quando in Trid. exigitur, ut ad Tom. II.

effectum privilegii fori deferatur *habitū*, & *Tonsura*, requiri utrumquè copulativè; adeoque unum sine altero non sufficere; sic Castropalaus in opere moral. tr. 12. D. unicā p. 2. n. 7. Barbos. p. 2. allegat. 12. n. 19. & plures alii; ubi tamen nota, fieri quasdam exceptions ab Authoribus, ut non portatio *habitū* non obstat. 1. si folium ad breve tempus habitum, alias portari solitum, deponat; ut notat Barbos. in dict. c. 6. CC. Trid. n. 22. vel si ob paupertatem, aliamvè justam causam non deferret, ut colligitur ex c. Clerici, de vita, & honest. Cleric. de quo V. l. 3. à n. 30.

Not. 3. ut quis dicatur inservire Ecclesie, sufficere, quod deserviat etiam alicui Capellæ existenti in Ecclesia; juxta Diānam resol. moral. p. 1. tr. 2. resol. 34. ut autem verificetur, quod deserviat, opus esse, quod hoc præstet de præsentī, nimirum constituto sibi officio, & munere talis servitii; sic Carolus Graffis de effectib. Clericat. effectu 1. n. 1179. qui n. 1367. censet servitium debere omnino consistere in spiritualibus; nec sufficere in temporalibus, id, quod etiam tradit Novarius in Singular. Canon. conclus. 92. à n. 2. his præmissis:

Dicendum. 1. spectato iure communi, quemvis Clericum gaudere fori privilegio, tam in civilibus, quam criminalibus; constat ex dict. n. 357. quid porrò veniat nomine Clerici in dispositione favorabili, tradimus l. 3. à n. 3. Quia vero plures Clerici (nimirum vel tantum minoribus Ordinibus, vel solā primā Tonsurā initiati) reliquo Clericali statu, aliis se munii applicant, vel etiam conjugia ineunt, Concilium Tridentinum (ut retulimus n. 357.) statuit, ut nullus primā tonsurā initiatus, aut etiam in minoribus Ordinibus constitutus, fori privilegio gaudeat, nisi beneficium Ecclesiasticum habeat, aut Clericalem habitum, & Tonsuram deferens, alicui Ecclesiæ, ex mandato Episcopi, inserviat; vel in Seminario Clericorum, aut in aliqua schola, vel Universitate, de licentia Episcopi, quasi in via ad maiores Ordines suscipiendos versetur.

Ex hoc sequitur. 1. hodie non tantum Clericos in sacris, sed etiam tantum in minoribus constitutos, vel etiam primā tonsurā initiatos, si non sint conjugati, gaude-

360.

361.

362.

re privilegio fori, si beneficium Ecclesiasticum obtineant, ut constat ex c. 6. Trid. ibi : *nisi beneficium Ecclesiasticum habeat* ; eos verò, qui non sunt in Sacris, & beneficio carent, non gaudere illo privilegio, nisi habeant reliquias conditiones à Trid. requisitas, de quibus num. præced. Dixi, *si non sint conjugati* ; nam de Clericis conjugatis dicemus infra à n. 367. & not. quod Barbos. in dict. c. 6. Trid. n. 11. ad illa verba *nisi beneficium Ecclesiasticum* &c. resolvat ex Julio Claro, & fin. q. 36. à n. 16. & alii, obtentionem beneficij sufficere ad effectum hujus privilegii, quamvis habitum Clericalem, & tonsuram non deferat; eo, quod in aliis solùm requiratur propter particulam disjunctivam, aut, ut scilicet requiratur gestatio habitus in carentibus beneficio, modò unam ex aliis qualitatibus ibi relicitis obtineant.

**363.** Sequitur. 2. Clericum non conjugatum, etiam solis minoribus, vel primâ tonsurâ initiatum gaudere privilegio fori, licet non habeat beneficium Ecclesiasticum, modò deferat habitum Clericalem, & ex mandato Episcopi alicui Ecclesiæ inserviat, vel in Seminario Clericorum, aut in schola, seu studiis versetur; ut liquet ex verbis Trid. n. 357. quæ verba, juxta P. Suarez l. 4. de defens. fidei, c. 27. n. 12. præscribunt formam ad effectum dicti privilegii per ejusmodi Clericos obtainendi.

**364.** Not. autem, quando dicitur, requiri, quod ex mandato Episcopi, deserviat alicui Ecclesiæ, mandatum debere esse expressum, ut vult Menoch de præsumpt. l. 6. præsumpt. 76. n. 41. sufficere tamen voce datum, per Aloys. Riccium in praxi rerum fori Ecclesiastici, decis. 601. juxta primam editionem; Cæterum, juxta modernam praxim, & consuetudinem jam receptam, ut quis dicitur de mandato Episcopi deservire, seu adscriptus esse alicui Ecclesiæ, sufficit, quod realiter servitium fiat in divinis; ita Riccius cit. p. 4. decis. 111. à n. 5. & alibi, apud Barbos. in dict. c. 6. Trid. n. 32. idquè ex pluribus decisionibus Congr. Card. pro dub. Trid. tum quia hoc ipso, quod quis assumatur in Clericum, depatur ad servitium alicuius Ecclesiæ; tum

quia, ut dictum est, id jam habet consuetudo recepta.

Jam verò loquendo de Clericis conjugatis, solū in minoribus, aut primâ tonsurâ initiatis, dicendū; eos non gaudere privilegio fori, nisi sub his conditionibus, nimirum, si contraxerunt cum unica, eaque Virgine; habitum Clericalem deferant, & de mandato Episcopi, alicui Ecclesiæ deserviant; constat hoc primum ex verbis Tridentini relatis n. 343. ibi : *in Clericis verò conjugatis servetur Constitutio Bonifacii VIII. in c. 1. de Clerico conjugat. in 6.*

Constitutio autem Bonifacii sic habet: **366.** Clerici, qui cum unicis, & Virgimib; contraxerunt (si tonsuram & vestes deferant Clericales) privilegium retineant Canonis ab Innocentio Papa 11. prædecessore nostro editi favorem totius Ordinis Clericalis. Et cùm (juxta Parisiense Concilium) nullus Clericus distingi, aut condemnari debeat à Judice seculari: præsenti declaramus edicto hujusmodi Clericos conjugatos pro commissis ab eis excessibus, vel delictis, trahi non posse criminaliter, aut civiliter ad judicium seculare: nec ab ipsis secularibus Judicibus eos debere personaliter, vel etiam pecuniâliter: (ne per unam viam concedatur eidem Judicibus, quod per aliam denegatur) ulla tenus condemnari. In ceteris autem, vel nisi (ut præmittitur) tonsuram, vel vestes ferant Clericales, etiam in præmissis eos gaudere nolumus privilegio Clericali.

Ex hac constitutione colliges, Clericos **367.** conjugatos retinere privilegium canonis; 2. ad retinendum privilegium fori, per eam solūm exigi duas conditiones, nimirum, si contraxerunt cum unica, eaque virgine; & deferant habitum Clericalem? tertiam verò, quod mandato Episcopi deserviant alicui Ecclesiæ, appositam à Tridentino, ut patet ex n. 357. Collig. 2. Clericos conjugatos non gaudere privilegio fori pleno; nimirum tantum in criminalibus, sed non civilibus, ut constat ex textu relato num. præced. ibi : *in ceteris autem, &c.* ita Covarr. prædic. c. 31. n. 6. Layman l. 4. Summa tr. 4. c. 8. & alii. Adeoque pro debito civili eos capi & detineri posse per Judicem Laicum, juxta Gutierrez de jurament. confirmat. p. 1. c. 17. n. 11.

n. 11. nec exemptos esse à tributis; Sanchez l. 7. matr. D. 46. n. 16. &c alii.

368. Riccius tamen in decis. Curiæ Archi-Episcopal. Neapolit. p. 4. decis. 320. n. 5: & alij, existimant; Clericum conjugatum, si contrahat cum Virgine, & tonsuram ac habitum Clericalem gestet; & alicui Ecclesiæ deserviat, gaudere privilegio fori, non solum in criminalibus, sed etiam in civilibus, & ante Judicem Ecclesiasticum esse conveniendum. Sed textus dict. c. 1. expresse loquitur solum, nec convenientantur, & condemnantur a Judicibus Laicis super excessibus, & delictis; sive criminaliter, sive civiliter de illis agatur, ita, quod propter ejusmodi excessus, & delicta, nec personaliter nec pecuniariter in judicio seculari condemnari possint; in ceteris autem secus, ut patet ex postremis verbis c. 1. ibi: in ceteris autem nimil causis, quæ non continent excessum, & delictum, sed catram merè civilem) etiam in præmissis gaudere nolumus eos privilegio Clericali; id, quod etiam procedit, si non deferant habitum Clericale.

369. Dices: *in dict. c. 1.* Bonifacius VIII. expressè dicit: *in ceteris autem, vel nisi (ut præmittitur) tonsuram, vel vestes ferant Clericales, etiam in præmissis eos gaudere nolumus privilegio Clericali;* ergo etiam in ceteris gaudebunt privilegio Clericali, si tonsuram, vel vestes ferant Clericales; ergo non tantum in causis criminalibus, vel criminaliter, vel civiliter intentatis, sed etiam merè civilibus; patet conseq. quia, quando dicit, quod Clerici conjugati non gaudeant Clericali privilegio *in ceteris*, nimil merè *civilibus* (antecedenter enim agebat de criminalibus) ponit claram exceptionem, *nisi vestes ferant Clericales;* ergo si hoc faciant, etiam *in ceteris*, nimil merè *civilibus*, gaudebunt Clericali privilegio.

370. Verum hæc est mala expositio textus in §. *in ceteris autem.* Nam si recte attendantur verba illius textus, duo sunt, quæ ibi statuuntur de Privilegio fori. 1. quod Clerici conjugati, habentes conditiones ibi expressas gaudeant privilegio fori *in causis criminalibus*, sive criminaliter, sive civiliter agatur de illis; non au-

tem *in ceteris non criminalibus.* 2. quod si non ferant vestes Clericales, non tantum *in ceteris*, sed nec *in præmissis*, nimirum in criminalibus gaudeant privilegio fori; hic est genuinus sensus illius textus *in dict. c. 1.* ut constabit eum recte consideranti. Quarè ad object. C. ant. N. utramque conseq. cum expositione textus ibid allata; his præmissis:

Quæstio ulterior est. i. an privilegio Clericali gaudeant etiam Uxores Clericorum? 2. an eorum concubinæ? 3. illorum familiæ mercede conducti? 4. an etiam Rustici, & coloni alicujus Ecclesiæ? Potissima quæstio est de Privilegio fori; nam Privilegium canonis negat eis Pithring h. t. n. 95. volens illud fundari, & concedi ratione characteris; sed sic nec eo gaudent Religiosi Laici, Novitii, & alii, qui nullum etiam ex minoribus Ordinib[us] habent; cuius tamen contrarium est commune; & ideo etiam contra P. Sanchez, quā l. 7. matr. D. 47. n. 7. docet Uxores Clericorum, etiam eorum, qui sunt in Sacris (quales sunt Græci, vel etiam Latini, qui de consensu Uxor, Religionem ingressi, in Sacris ordinati sunt) non gaudente privilegio Clericali, quia id Clericis concessum est ratione Ordinis; utitur dicto arguento, quod sic sequetur, nec Religiosos Laicos eo gaudere, cum & illi careant ordine.

Ad 1. igitur Resp. probabilius videri, 372. non gaudere; ratio est, quia privilegium Clericale concessum est personis Ecclesiasticis, ratione Status; quo eminent supra statum secularis, ex num. 366. id, quod commune est non tantum Clericis, sed etiam omnibus Religiosis utriusque sexus; non autem aliis; sicut enim est privilegium personale; ita Joannes Andreas in c. unic. de Cleric. conjung. in 6. & alii. Unde, quando dicitur, quod Uxor sequatur jurisdictionem, & forum mariti; ergo ubi Clericus conjugatus habet forum, ibidem etiam habebit ejus Uxor; quia per hoc Uxor non evadit deterioris conditionis, quod maritus ejus sit Clericus: Resp. prout intiatum illud verum non esse in his, quæ marito competunt, in quantum est persona Ecclesiastica; nam hæc personam non egrediuntur.

**373.** Dices: Uxor Clerici conjugati, saltem si sit in Sacris, est aliquo modo etiam persona Ecclesiastica; ergo & illa gaudet hoc privilegio. Resp. quod Abbas, Imola, & Fagnanus, apud Pirrhing citatum *nun. 95.* concedant illatum, etiam si talis Clericus non sit in Sacris; Pirrhing autem ibid. §. alius, affirmet etiam illatum tanquam probatius, si Clericus maritus sit in Sacris; extendens etiam ad filios talium Clericorum, saltem durante vita Patris, pro hoc etiam allegato Barbos. *l. 1. Juris Eccles. c. 39. num. 62.* Verum persona Ecclesiastica, cui ratione statu conceditur hoc privilegium, non est, nisi deputata ad Divinum servitium vel per primam Tonsuram, aut Ordines; vel per assumptionem statu Religiosi; quorum nihil habent Uxores Clericorum.

**374.** Ad 2. Affirmativam deducunt aliqui ex c. Eos, qui, 10. dis. 32. ubi Urbanus II. ait: eos, qui, post Subdiaconatum, Uxoribus vacare volunt, ab omni Sacro ordine removemus, Officioque, atque beneficio Ecclesia carere decernimus. Quod si ab Episcopo commoniti non se correxerint, Principibus indulgemus licentiam, ut eorum feminas mancipent servituti: Si vero Episcopi consenserint eorum pravitatibus, ipsi officii interdictione mulcentur. Ex hoc enim textu inferunt; ergo cum Principibus Laicis ibi concedatur facultas, eorum feminas servituti mancipandi, si tales Clerici ab Episcopo commoniti non se correxerint; per se, & extra hunc casum cognitio de fornicatione cum Clerico ejusmodi mulierum non pertinet ad forum Principis Laici; sed Ecclesiastici, ut etiam vult gloss. ibid. V. Eos, qui.

**375.** Resp. ex hoc non probari, ejusmodi concubinis concedi privilegium fori; nam solum sequitur, ratione connexionis causa, fornicationem talis mulieris cum Clerico, pertinere ad forum Judicis Ecclesiastici; quia, cum causa sit individua, & Clericus coram Laico conveniri non possit, debet cognosci ab Ecclesiastico, qui potest cognoscere de delicto Clerici, & annexis; deinde, si talis mulier gauderet privilegio fori, etiam esset extra forum Judicis Laici, si peccaret cum seculari;

quod meritò negat Fagnanus in c. 3. b. t. *num. 29.*

Alij dicunt, concubinas Clericorum committere Sacrilegium; praesertim, si peccent cum Clericis in Sacris constitutis: adeoque esse crimen mixti fori, ita, ut uterque Judex contra concubinas procedere possit, easque punire, tam Ecclesiasticus, quam secularis, sitque inter eos præventioni locus; Abbas in c. 2. n. 4. de cohab. Cleric. & mulier. Et in c. ut Clericorum, n. 7. de vita, & honest. Cleric. Felinus in c. cum sit, 8. n. 14. b. 2. & alii apud Fagnanum hic *num. 26.* & duobus seqq. Verum, si Judex Laicus, sine licentia Prælati Ecclesiastici, non potest cognoscere de delecto, v.g. fornicationis inter concubinam, & Clericum gaudentem privilegio fori, quia talis concubinatus continet causam individuam inter Clericum, & concubinam, in qua non potest, institui processus, nisi tangatur etiam persona Clerici, exempti a foro Judicis Laicis idem erit, si concubinatus ille sit Sacrilegus (ut si Clericus concubinarius sit in Sacris) eodem enim modo talis causa est invidua inter illam, & Clericum.

Ad 3. Resp. negative; quia non sunt personæ Ecclesiasticae, juxta *num. 373.* nec etiam aliundè habetur, privilegium illud ad ipsos extensem esse; aut illis aliundè acquisitum; excipiunt aliqui familiam Episcopi, propter textum in c. fin. 2. petiit, de Offic. Archidiac. ubi, cum Archi-Diaconus allegasset, consuetudinis esse, quod omnes suæ ditionis convenienter toram se, excipitur familia Archi-Episcopi, & cause ipsius Archi-Episcopi. Sed ex hoc textu consuetudo si probata est, firmatur solum super jurisdictione Archi-Diaconi, non super exemptione familiarium Archi-Episcopi. Ad 4. Resp. esse distinguendum, an sermo sic de bonis propriis eorum Colonorum? an iis, quæ tenent ab Ecclesia? in primo casu negandum; in secundo affirmandum est illis competere privilegium fori. Ratio primi est, quia tales Colonii nullum habent titulum exemptionis, vel ratione personæ suæ, vel ratione bonorum; secus in secundo; cum Ecclesiarum bona non minus, ac personæ Ecclesiasticae ab omni jurisdictione Laicorum exemptæ sint ex dictis jam sœpe in præcedentibus.

§. II.

## §. II.

*Quibus casibus privilegium fori aut amittatur; aut non patrocinetur?*

378. **R**esp. 1. multiplices esse ejusmodi casus, in quibus dictum privilegium amittitur. Primo enim Clericus, in minoribus tantum constitutus, nec beneficiatus, amittit privilegium fori, si Clericalem habitum dimittat; ut constat ex Trid. supr. num. 36 i. ibi: *aut Clericalem habitum, & tonsuram deserens;* ubi tamen nota, sine fraude reassumpto habitu privilegium recuperari prout resolvit Sacra Congregatio, cuius verba refert Hattinold. tom. 5. tr. 1. num. 278. Censetur autem *habitum dimittere*, ad hunc effectum, si continuo incederet inhabitu laicali, sic, ut publice existimaretur Laicus; ita Bonacini. de legib. D. 10. q. 2. p. 1. Q. 4. num. 15. & alii; & haec privilegii amissio propter dimissum habitum procedit, licet ab Episcopo monitus non sit de illo deferendo; sic Ugolinius de Offic. Episcopi, c. 12. num. 3. & alij: hoc enim nec in Trid. nec alio jure, quoad istum casum, cavetur, post Tridentinum:

379. Circa hunc casum de recuperatione privilegij per reassumptionem habitus, prius dimissi, quæstio est, an id procedat (consequenter sit exemptus à foro Laico) si delictam commisit, dum deferret habitum, sed postea dimisit? 2. si dimisso habiti deliquit, & postea reassumpsit habitum, antequam à judice preventus esset citatione, captura, vel condemnatione? Ad 1. affirmit Covarr. practic. qq. c. 31. num. 15. & alij; si scilicet tempore commissi criminis habitum gestavit, licet ante, vel post habitum dimiserit: quia, ut quis ratione delicti sortiatur forum coram Judice illius loci, necesse est; quod, dum delinquit, non sit personaliter exemptus à tali foro; at Clericus etiam non beneficiatus, dum defert habitum, est personaliter exceptus à foro Laico ex num. 357. & dum delinquit, ponitur deferre habitum; ergo tali casu non poterat ratione delicti forum sortiri coram loci Judice Laico.

Ad 2. Resp. pariter affirmativa; quia, licet tempore commissi criminis dimisso habitu, non gauderet privilegio fori, ut dictum est, consequenter, sortitus sit forum coram Judice loci, quantumvis Laico; quia tamen reassumpto habitu recuperavit privilegium fori, ex num. 379. si ante hoc non est preventus à dicto Judice, recuperato privilegio desit esse de illius foro non minus, quam si incola miret domicilium prius, quam sit preventus à Judice juxta dicta à num. 335. sic Julius Clarius in practic. crimin. §. fin. q. 36. n. 16. Farinac. in praxi l. 1. tit. 1. q. 8. n. 66.

380. Resp. 2. si Clericus in Sacris, vel etiam tantum in minoribus, sed beneficiatus nunquam deserat habitum, nec assumat etiam post trienam monitionem Episcopi, consequenter incorrigibilem se ostendat, amitti ab eo privilegium fori; per c. in audience 25. de sent. excommunic. cum enim Clementi III. propositum esset, utrum Clerici, qui arma militaria (relictæ habitu Clericali) gestare nullatenus erubescunt; si eis fuerit injuria corporalis illata, vel se à captioni redemerint. illa Clericorum debeant immunitate gaudere, quæ pro temeraria manuum injectione facta in Clericum, excommunicatus, quis ipso iure notatur? respondit Pontifex: quod, cum frustra Ecclesiae imploret auxilium, qui committit in ipsam: & lex secularium Principum huic responsio satis efficax afferat argumentum, quæ manifeste cauitum habetur, matronam, cuius pudicitia attentata fuerit, non posse injuriarum agere, si in veste meretriciali fuerit deprehensa: *hujusmodi Clerici, si à Prelatis suis tertio commoniti militaria non laicini arma deponere, de privilegio Clericorum subsidium aliquod habere non debent.* Idem habetur in c. contingit; 45. eodem, ubi Clemens III. scribens Episcopo, ait, se intellexisse, insinuante Comite Flandriensi, quod in Flandria quidam Clerici, nec in tonsura, & habitu, nec in negotijs de Clerico quidquam ostenderent, & solùm, ut subterfugiant publica judicia, se ut Clericos repræsentent; mandat Pontifex, ut tales, si tertio commoniti se non emendent, immunitatis fori fiant exsortes.

381. Advertendum autem hanc trienam monitionem non requiri, si facta sit utra monitio

nitio generalis in Synodo, sub expressâ comminatione, aut pœna privationis privilegij Clericalis: nam ea monitio habet vim constitutionis, ad quam non requiritur tria, & specialis monitio, cùm lex semper censeatur admonere, Clarus, loc. cit. num. 20. Farinacius cit. num. 62. imò juxta P. Wagnereck in exegesi ad dict. c. in audiencia, post Trid. cit. sess. 23. c. 6. non est opus admonitionibus, sed facto ipso, quod aliquis non gestet habitum, & Tonsuram, aut non servit Ecclesiæ, vel non versatur in studijs cum licentia Episcopi, privatus est privilegio Clericali.

383. Resp. 3. à Clerico, etiam in Sacris, amitti privilegium fori, postquam propter delictum depositus est, propter incorrigibilitatem excommunicatus, & anathematizatus, nihilominus in malitia perseverat, ut dicitur in c. Cūm non ab homine, 1. de Judiciis, ibi: si depositus incorrigibilis fuerit, excommunicari debet: deinde contumaciā crescente anathematis mucrone feriri: postmodum verò, si in profundum malorum veniens contempserit, cùm Ecclesia non habeat ultra, quid faciat, ne possit esse ulra perditio plurimorum, per secularem comprimendus est potestatem, ita, quod ei deputetur exilium, vel alia legitima pœna inferatur.

384. Pro intelligentia not. 1. per anathematizationem, juxta Doctores hic intelligi execrationem recessivam à corpore statutus Ecclesiastici, qua non sit medicinalis, sed purè pœnalis ob incorrigibilitatem. Not. 2. cùm hæc priatio privilegij Clericalis ipso facto decretæ sit in pœnam incorrigibilitatis, & perseverantiae in illa; pœnæ autem ipso facto decretæ in delinquentes non incurvantur ante sententiam Judicis declaratoriam criminis, ut tradidimus l. 1. tit. 2. nec privationem hujus privilegij ab eiusmodi Clericis incurri ante declarationem factam ab Ecclesiastico Judice de ipsorum incorrigibilitate; adeoque Judices Laicos, ante hoc, non posse contra illos procedere; id, quod videtur etiam insinuari illis verbis per secularem comprimendus est potestatem; & ideo etiam dicitur in c. ut famata, 35. de sent. excom. quod Laici, citra excommunicationis sententiam, capere Clericos, & ad judicium trahere possunt, si oportet, etiam violenter, dum tamen id de mandato fa-

ciant Prelatorum, quorum illi sunt jurisdictiōni subjecti, & quorum est corrigerē criminosos.

Dices: in c. Perpendimus, 23. cod. cùm quidam Sacerdos se filium Regis falsò nominans, seditionem fecisset, & à B. Comite justus esset fustigari, ejusque mandato patibulo traditus expirasset; rescripsit Pontifex, si non propulsando injuriam, sed inferendo fuerit occisus, non esse interfectores pro Absolutione Romam mittendos, sed pro arbitrio Episcopi competentem eis pœnitentiam injungendam. Ergo etiam absque declaratione criminis incurritur priatio privilegij Clericalis; alias enim dictus Comes, qui cum Sacerdotem fustigari, ac suspendi curavit, incurritset excommunicationem latæ sententiæ, pro cuius Absolutione impetranda ad eunda suisset Sedes Apostolica. Responde Pirrhing h̄ic num. 99. in fin. ibi non esse sermonem de privilegio fori, sed canonis, quod facilis amittitur, quād illud, quia est inferioris ordinis, sic etiam tenente Suarez D. 22. de Censur. sect. I. n. 13.

386. Cæterū, cùm dictus Sacerdos fuerit iniquus invasor, & ut occideretur, necessarium fuerit ad defendendam publicam quietem, censet Wagnereck in exegesi ad dict. c. perpendimus, justè occidi potuisse, quod immiscendo se enigmaticis, eoipso Privilegium Canonis amiserit. Enigmatibus autem se immiscere dicitur, qui facit seditionem, aggressiones, prælia, tumultus in populo, juxta Bellet. disquisit. Clerical. p. 1. tit. de favore Cleric. Canon. §. 2. à num. 41. ex quo Barbosa in dict. c. perpendimus, num. 2. ad quæstionem: quare facilis perditur Privilegium canonis, quād fori; eam rationem assignat, quia illud indultum est à jure positivo, hoc autem à jure divino, ex c. quanquā de Censib. in 6. idem lenientibus Zabarella, Socinat. & alijs ibid. relatis; quamvis dici possit, privilegium canonis non extendi ad casum, ubi defensio jure naturali permissa mortem injusti aggressoris concedit.

387. Resp. 4. velle aliquos à Clerico, etiam in Sacris constituto, amitti Privilegium Canonis, & fori, si dimissò habitu Clericali enigmaticis se immiscet, seu multa enormia delicta committit, & hoc, ipso jure; sic Julius Clarus cit. num. 23. & alijs

& alij; quidam cōsent id procedere, post trinam Episcopi monitionem non curatam; sic Barbosa l. 1. juris Ecclesiastici, c. 39. q. 2. num. 71. sed hoc nullo jure probatur; dictum enim c. *perpendimus* (in quo habetur præsens casus) solum loquitur de privilegio *canonis*, non *fori*; id, quod advertit etiam Bellet. supra citatus, dicens, quod licet Clericus se immiscendo enormitatibus perdat privilegium *canonis*; non tamen perdat privilegium *fori*; cum quo eodem modo intelligunt textum c. *perpendimus*, Marta de *jurisdict.* p. 1. casu 135. n. 5. Coninch de *Sacram.* & *censur.* D. 14. d. 11. n. 160. & complutes alij.

388. Resp. 5. perdi privilegium *fori* à Clericis, qui per annum continuum personam histrionis, aut mimos agunt, ex c. *unic.* de vita, & honest. Cleric. ibi: Clerici, qui Clericalis Ordinis dignitati non modicum detrahentes, se joculatores, seu goliardos faciunt, aut bufores: si per annum artem illam ignominiosam exercuerint, ipso jure: Si autem tempore breviori, & tertio moniti non resipuerint, careant omni privilegio Clericali. Dixi per annum continuum. Nam ubi jus apponit tempus, intelligitur de continuo juxta Gutierrez *Canon.* l. 1. c. 12. num. 25. & not. textum expressè loqui de exercentibus artem ignominiosam, & dignitati Ordinis Clericalis non parum detrahentem; undè meritò procedit dictum c. *unicum* de omnibus illis Clericis, de quibus S. Gregorius Papa homil. in c. 10. *Joan.* Sacerdotum vita, quondam per gloriam virtutum clara, nunc per actiones infimas offendit reprobationem; ecce jam penè nulla est secularis actio, quam non Sacerdotes administrarent, ingenti sanè dedecore tam sublimis, & Sancti Statū.

389. Resp. 6. amitti etiam privilegium *fori* per crimen assassinij, prævia tamen declaratione per Judicem Ecclesiasticum de tali crimine admisso; ex c. 1. de homicid. in 6. 6. fin. ibi: Sacri approbatione Concilij statuimus, ut quicunque Princeps, Prælatus, seu quævis alia Ecclesiastica, secularis persona, quempiam Christianorum, per prædictos assassinios interfici fecerit, vel etiam mandaverit (quoniam mors ex hoc forsitan non sequatur) aut eos receptaverit, vel defendenterit, seu occultaverit.

Tom. II.

rit, excommunicationis, & depositionis à dignitate, honore, ordine, officio, & beneficio incurrat sententias ipso factas: & illa liberè alij per illos (ad quos eorum collatio pertinet) conferantur, sit etiam cum suis bonis omnibus tanquam Christianæ Religionis æmulus, à toto Christiano populo perpetuò diffidatus.

Ubi nota, quod licet olim *assassinii* propriè dicebantur quidam infideles sub Principe pariter infideli, à quo ita edocti, & instructi erant, ut quos ille occidi jussérunt, facilimè occidant, arbitrantes ex hoc mortem non esse timendam, nec ullam pœnam ob istud crimen post obitum passuros, imò se obsequium praestare Deo opinabantur, ut observant Covaruvias l. 2. Var. c. 20. n. 10. Zerol. V. *assassini*, in princ. Gutier. q. 7. n. 2. Cardos. V. *assassini*, num. 1. hodie tamen, & spectatâ intentione Pontificis in dict. constitutione, communis Doctorum interpretatione, & in praxi receptum esse, ut *assassinii* jam dicantur, quicunque pecuniâ, aliove pretio conducti homines occidunt, percutiuntur, nihil tale ab ijs præcaventes. Hinc in illis verbis (quicunque quempiam Christianorum per prædictos assassinios interficerit) ly *prædictos*, non appellat supra assassinios, in quantum *infideles*; sed in quantum *pecuniâ conducti* committuntur enorme scelus, in detrimentum non modò corporum, sed etiam animarum, pretio Christi Sanguinis redemptarum, in opprobrium dignitatis Christianæ.

Quoniam verò num. 221, diximus, Clericos, post trinam monitionem incorrigibiles, tradendos potestati seculari, ut per eam coercantur, notandum, ut hoc contingat, requiri, declarationem incorrigibilitatis faciendam ab Ecclesiastico Judice. Nemo enim afficitur pœnâ, etiam ipso jure latâ, nisi præviâ declaratione causâ, propter quam pœna fertur, ex dict. lib. 1. tit. 2. de *Constitut.* sed incorrigibilitas in dato casu est causa, propter quam in pœnam Clericus privatur privilegio *fori*; ergo.

Not. præterea, si delictum Clerici cum Laico, quoad cognitionem causæ separari possit ita, ut cognoscendo de delicto Clerici, Judici seculati cognoscendi seorsim de hoc, opus non sit, eidem fisti Clericum, probabiliter affirmari, Judicem

P

Lai-

Laicum posse tali casu judicare, ac punire delictum Laici complicis delicti, quin aliquid per hoc agat contra privilegium fori, concessum statui Clericali; id, quod fusè defendit Haunoldus *tom. de Jure, & Juf. tr. num. 291.*

Not. 2. Clericum in flagranti criminе (Adulterij; furti &c.) deprehensum, à Jūdice Laico) non suā, sed præsumptā Jūdicis Ecclesiastici authoritate) posse capi (quod etiam procedit, si suspectus sit de fuga) ea tamen lege, ut, cum primūa commode potest, sīstat Jūdici Ecclesiastico; quia consensus Jūdicis Ecclesiastici, quoad illum actum capiendi, suppositis illis circumstantijs; non autem quoad actum detinendi, merito præsumi potest.

Q. III.

*An privilegium fori, vel ex parte, tolli possit renuntiatione, consuetudine, vel præscriptione?*

393. **A**D 1. Resp. negativè, sive renuntiatio sit expressa, sive tacita; probatur 1. ex c. *si diligenti*, 12. h. t. ibi: manifestè patet, quod non solum inviti, sed etiam voluntarij pacisci non possunt, ut secularia judicia subeant, cùm non sit beneficium hoc personale, cui renuntiari valeat, sed potius toti Collegio Ecclesiastico sit publicè indultum: cui privatorum patēto derogari non potest. Nec juramentum licet servari potuit, quod contra Canonica statuta illicitis pactionibus informatur. Deinde, ex c. *Eis Clerici 4. de Judicij*, ibi: *et si Clerici coram seculari Jūdice convicti fuerint, vel confessi de criminē, non sunt propter hoc a suo Episcopo aliquatenus condemnandi.* Sicut enim sententia à non suo Jūdice lata non tenet, & ita confessio coram ipso.

394. Dices: Marcellinus Pontifex, ut habetur 11. q. 1. c. *Clericum*, 3. constituit, quod Clericum, cuiuslibet Ordinis absque Pontificis sui permisso nullus præsumat ad secularem Jūdicem attrahere: nec Laico quemlibet Clericum liceat accusare; ergo de consensu sui Pontificis, seu Episcopi, potest; & in CC. Agathensi, c. 32. (quod refertur 11. q. 1. c. *Clericum* 17.) legitur: Clericum nullus præsumat apud

secularem Jūdicem, Episcopo non permittente, pulsare: sed, si pulsatus fuerit, non respondeat, vel proponat: nec audeat criminale negotium in seculari jūdicio proponere; ergo saltem cum licentia sui Episcopi Clericus renuntiare poterit prævilegio fori. Sed Resp. 1. esto valeret illatio vi antiquorum Canonum; hodie tamen nullam esse, vi constitutionum Recentiorum, præsertim ejus, quam retulimus n. *præced.* ex c. *si diligenti*. Resp. 2. eos Canones loqui de consensu Episcopi, fundato in consensione Summi Pontificis; non autem hoc secluso; tum propter clarum textum in c. *si diligenti*; tum etiam, quia nullus inferior concedere potest, quod lege Superioris interdictum est.

Ad 2. Resp. nec vi ullius consuetudinis, à Laicis introductæ, secluso consensu Summi Pontificis, posse quicquam de Immunitate Ecclesiastica ditinuui. Nam contra id, quod est juris divini, nihil potest consuetudo humana, quantacunque authoritate suffulta, ut ostendimus lib. 1. n. 1639. 1762. 1767. sed consuetudo Laicorum diminuens Immunitatem Ecclesiasticam secluso consensu Summi Pontificis, est contra Immunitatem Ecclesiasticam, & contra id, quod est juris divini, ut probavimus lib. 1. à num. 640. & constat ex c. *quoniam*, 4. de Censib⁹, in 6. ibi: cùm igitur Ecclesiaz, Ecclesiasticæ personæ, ac res ipsarum, non solum jure humano; quin imò, & divino sint immunes &c. his porrò, quæ in contrarium communiter adducunt Laici, ac Patroni oppositæ sententiæ, respondimus lib. 1. loc. cit. Accedit, quod nulla consuetudo, abrogativa, vel diminutiva legis præexistentis, & acceptata induci possit legitimè, sine expresso, aut tacito, vel legali consensu ejus, qui talem legem condidit; ut probavimus lib. 1. à num. 1683. At hoc non habent illi, qui se tuerunt consuetudine etiam immemorabili; cùm talis consuetudo constanter reprobetur à Legislatore Ecclesiastico, tanquam corruptela, & consuetudo perversa, ut constat ex pœnis in ea statutis dict. c. *quoniam*, §. *Volentes*; & Bullâ cœnæ, quæ annis singulis noviter promulgatur; ubi decimo quinto loco excommunicantur, qui prætextu cuiusvis consuetudinis, atque adeo

deò etiam immemorialis, immunitatem Ecclesiasticam contra Juris Canonici dispositionem, directè, vel indirectè, etiam in aliquo tantum lèdunt, deprimunt, vel quovis modo restringunt; de quibus V. Castropal. de Censuris D. 3. p. 16. & seqq. Ex quo etiam patet ad 3. de præscriptione; nam & hæc foret ejusmodi immunitatis lèsva, diminutiva, vel restriktiva.

## ARTICULUS. VI.

## De criminibus mixti fori.

396. Crimen mixti fori est illud juxta Benedictum Pereyram in appendice Elucidarij num. 1956. quod pertinet ad utrumquè forum, nimirum Laicum, seu Seculare, & Ecclesiasticum, ita, ut de illo crimine possit cognoscere Judex, vel Laius, vel Ecclesiasticus, datâ præventione, quæ scilicet datur, quando alter ex dictis Judicibus cœpit prior cognoscere. Unde illa præventione & quædam anticipatio cognitionis, quæ impedit, né alter se intromittat. Cum enim prævenire apud Latinos sit venire, antequam alter veniat, sic apud Juristas est præoccupare causam, seu venire ad illam, antequam alter Judex veniat. Unde etiam Soncinas in c. 14. de foro cōpet. apud Haunoldum tom. 5. de fāstī. tr. 1. n. 322. præventionem, ait, esse jurisdictionis approbationem sibi soli in aliqua causa (hoc est, quæ immediatè) quæ pluribus competebat; quibus positis:

## Q. I.

An causa adulterij sit mixti fori?

397. Cognitionem cause de adulterio spēciare ad forum Laicum, colligi potest ex tōto titulo C. ad Legem Julianam, de adulterijs; præsestitum L. 30. ubi agitur de his, quibus licet adulterum accusare; sed de his egimus l. 4. tit. 19. de Divorcijs; & lib. 1. tit. 9. de Adulterijs: esse etiam fori Ecclesiastici, constat ex lib. 5. tit. 9. & c. Gaudeamus, 19. de convers. conjugat. ibi: mulieres verò, quæ relicto mariali thoro, lapsu carnis ceciderunt, si ma-

Tom. II.

riti earum à te diligenter commoniti, eas ad frugem melioris vite conversas noluerint recipere propter Deum, in claustris cum religiosis mulieribus studeas collocare, ut perpetuam pénitentiam ibi agant, quibus positis:

Quæstio est. 1. an, cum innocens agit de adulterio contra Reum, possit eum citare ad utrumque Judicem ex his, quibus competit jus præventionis? Resp. de hoc casu agi c. fin. de Rescript. ubi dicitur, quod, si quis alium super uno negotio, vel pluribus personalibus actionibus, quæ sub uno Judice possent tractari commodius, per varias litteras ad diversos Judices trahat, litterarum commodis careat, & ad expensas, quas propter hoc Adversarios tulisse constiterit, condemnetur; ubi nota, quod quamvis talis perdat commodum literarum ex tali abusu; non tamen perdat causam; cum de hoc nihil exprimatur: & licet hic fiat mentio solùm de actionibus personalibus, non autem realibus; si tamen in his etiam militet eadem ratio, quæ in textu assignatur pro personalibus (nempe ut vocatus ad diversos Judices laboribus fatigatas, & sumptibus, vel compellatar componere, vel cedere jari suo) censem Panormitanus ad cit. c. fin. n. 12. idem dicendum etiam in realibus; quem sequitur Wagnereck ibid. Q. super uno negotio, saltem quoad observationem; hoc enim sine fatigare Adversarium, naturali lumini contrarium videtur.

Quæstio altera est, an, quando solùm civiliter agitur contra adulterum, nimirum ad separationem thori, & jaclaram dotis, quæstio hæc sit mixti fori consequenter sit locus præventionis? 2. quid, si agatur criminaliter, nimirum ad vindictam publicam? Ad 1. in hoc num. Resp. remissivè ad lib. 4. decret. ubi ad 1. diximus negativè; ad 2. affirmativè; hujus ratio sumitur ex c. Tua Fraternitati, 5. de Procuratoribus, ubi, cum hoc Bruxenensis Episcopus Innocentio III. proposisset, idem illi sic respondit: quod, si vir accusat Uxorem de crimen Adulterij contam Judice seculari ad poenam legitimam infligendam (quia tunc inscriptionis vinculum debet arripere, seque ad poenam talionis astringere: non per procurato-

P 2

rem;